

da Pexaro, è di pregadi, *quondam* sier Beneto, procurator; cazete, con titolo, sier Sabastian Zustignan, el cavalier.

*Dil provedador Capello, dal Cesenatico, di 26.* Come il cavalier di la Volpe verà con una paga, come bon servidor, et tutti li altri aspeta imbarcharli, et verà poi. *Item*, à aviso, che 'l signor Marco Antonio Colona à dito, aver, dal signor Prospero Colona, che il re di Spagna à mandà a dir al papa, inteso il perder di Bologna, vol ajutarlo, et verà in Italia, e forssi sarà contra Franza.

*A di 29, domenega, la mattina.* In colegio fo aldito sier Sigismondo di Cavali, venuto provedador executor di campo, qual, per colegio, ave licentia. Fo laudato dil principe *de more, etc.*; e cargò il governador zeneral.

Da poi disnar fo gran consejo. Fato governador de l' intrade sier Nicolò da cha' da Pexaro, fo podestà e capetanio a Crema, *quondam* sier Bernardo, di una balota, da sier Marco Orio, fo provedador a Faenza, in scurtinio, et di 40, dal dito in gran consejo. *Item*, per il canzelier grandò, fo usato certe parole, di hordine dil serenissimo e di la Signoria, pregando, exortando e comandando a tutti ad andar a satisfar a quanto sono debitori, per conservatiom dil stato, perchè si spera di ben, e recuperar il stato, et *similia* mediante el divino ajutorio, volendosse nui medemi ajutar.

*Di la corte, di l' orator, di Civita Castellana, fo letere, di 23 et 24.* Comme il papa saria, a di 26, a Roma, per esser el di di San Piero. *Item*, è letere di Spagna, freschissime, de . . . . Come il re, inteso la cossa di concilij, scrivea al papa, che lui non era di tal opinione, et che dovesse privar li cardinali, et *maxime* Santa †, e ricomandava li soi episcopi di la sua corte a darli l'intrate. *Item*, altre particolarità, come di soto dirò più diffuse.

*Dil provedador Griti fo letere, al tardi di eri, da Montagnana.* Come hessendo ussili di Verona alcuni stratioti, tra li qual di quelli che ebano danari nostri e fuziteno di là, inteso questo, altri stratioti di nostri li fono a l'incontro, e li preseno et spoglioli; e, tolto l' arme e cavalli, li lassono, e questo, perchè el provedador Griti li volevano far apiehar *etc.*

Noto. Eri, im pregadi, fu posto, per li savij, che la provisiom fo data a domino Domenico Busichio, qual è qui, in questa terra, sia, morendo lui, a soa mojer et fioli, *ut in parte*. E fu presa.

133 *A di 30, la mattina.* In colegio O fu da conto. Noto. In questo mexe, per il consejo di X, hessendo

mudà li provedadori a le biave, et erano do solli, sier Michiel Salamon, e sier Marco Contarini, il terzo, ch' è sier Alvixe Barbaro, è provedador a Padoa sora le fortification, fu fato uno altro provedador per el dito consejo con la zonta, con grande autorità, in materia di biave *etc.*: sier Stefano Contarini, fo capetanio a Padoa, *quondam* sier Bernardo, qual è gran merchadante di formenti.

In questa matina sequite, in quantantia zivil, certa confusiom tra li cai di 40 et sier Marco Trum, *quondam* sier Antonio. Li cai sono: sier Marco Donado, sier Jacomo Loredan e sier Zuam Francesco Griti. Zercha dar il consejo. Hor ditto sier Marco andò in renga, e spreli li comandamenti di cai di 40. Parse a li diti cai di 40 e sier Marco Antonio Marzelo, vice cao, che intrò in luogo dil Donado, si parti, di mandar el dito sier Marco Trum, debitor, a palazzo per ducati 50, per la soa desobedientia, e cussi lo mandono; ma poi fu adatà le cosse e dipenato.

Da poi disnar fo consejo di X con la zonta, e prima feno li soi capi, per lui: sier Hironimo Querini, sier Andrea Loredan, sier Antonio Justinian, dottor.

Noto. In questi tempi, *licet* una gran parte dil stado da terra ferma fosse persa, *tamen* le procure erano grandissime, et di savij di terra ferma et savij dil consejo, *etiam* di consier di Osso Duro, et, *ultra modum*, si procurava; cossa vergognosa e contraria al quieto viver di la republica nostra. Concludo, la ambition è in culmine, e più che mai fusse.

In questo mexe di zugno, sier Alvixe di Prioli, *quondam* sier Francesco, da San Thomado, havendo dà ducati 1000 a la Signoria, per venir im pregadi, comparse da li cai di X, dicendo, esser passato l' anno e non vol più venir im pregadi, et vol esser fato creditor e poter scontar; e cussi introdotto in colegio da li cai, fo persuaso dal principe, a non voler esser il primo, in questi bisogni. Hor lui, ostinato, volse, e cussi, per vigor di la parte, li cai di X feno il suo mandato, e non vene più im pregadi. E de li a certi mexi, visto non poteva scontar diti soi danari, con altri comparse *iterum* ai cai di X, et ritornò im pregadi, e lassò li ducati 1000; e questo ne ho voluto far memoria.

*Item*, in questo tempo, il papa scrisse uno breve a la Signoria, volesse, per suo amor, lassar di cabioni domino Antonio Francesco di Dotori, citadin padoan, lezeva a Padoa, et era optimo jurisconsulto, e questo per poter conseiar in materia di con-